



○ **Iolan a nūsc Ciantadús por i bi espi da festa de n Pasca!** I espi é dlungia les **laudes** la funziun plü conosciüda dla **Oraziun dla Dlijia** (Liturgia dles ores), i salms é le gran liber d'oraziun dal popul de Dio, ai é la resposta dal popul de Dio ales gran operes dal Signur tla creaziun y tla storia. Cianté i salms en alternanza é na comunicaziun y profesciun publica de fede. I espi ciantés n'é porchel nia ma tradiziun, ai é dandadöt oraziun deboriada co cherieia comunité y fej plü rica nosta liturgia.

○ **Iolan y Dio s'al páii a düc por l'oferta de Carsema: 5.107,08 €**



enformaziuns y termins

**Santa messa:** en sabeda, ai 14 d'aorí ales 14:00 vegnel zelebré a Oies na santa messa por families con familiars con n abdicap. Düc é enviés a tó pert.

“**Iu deidi**” - **8promile / 5promile:** la diozeja preia do nosta firma sön la detlaraziun dla culta por le 8promile ala Dlijia y ince por le 5promile a ben de istituziuns co sosten le voluntariat. → Enformaziuns plü avisa sön flayers motüs fora te dljia.

**Curs de formaziun sora la fede "La löm dla vita":** a La lla vegnel tigní n curs dal tema “Pó la fede diventé la löm por ilominé nosta esistenza y nosta vita?” Padre Giuseppe s'accompagneia söle tru de nosta fede y se mostra la beleza dal Vangelo de Gejú co pó trasformé la vita y la fá diventé plü bela, ligra y lominosa. L'encuntada met man le vendres ai 13 de aorí dales 9:00 ales 12:00 y dales 14:00 ales 18:00 y va ennant la sabeda ai 14 de aurí dales 9:00 ales 12:00. Le curs ven slüt jö con la santa messa. Enformaziuns y iscriziuns pa Ingrid, ☎ 331 8565697.

**Grup Atmosfera:** en jöbia ai 12 d'aorí dales 15:30 ales 17:30 s'encunta endô tla sonta dal Raiun Sozial a Picolin **le grup de temp lede Atmosfera** por eres y ei atochés da problems psychics. En cösc iade modelunse l'arjila y lasciun ledia nosta fantasia. I se tolun ince le temp da s'la cunté n pü' adöm con Irina Tavella y Barbara Rungger. enformaziuns pa Sabine Rainer ☎ 0474 524519.

**Zenter Families Mareo:** le ZFM organiseia ai 20 d'aorí dales 9:30 ales 11:30 tal Zenter Families a Al Plan n curs da “Porté i pici”. Al gnará mostré deplü sorts de posibilités da porté, por ciáfé fora chera che vá le miú por oma y möt y ince ensigné techniches da porté i pici mituns con la peza. Le curs é limité a 4 porsones. Informaziuns y prenotaziuns pa Sofia, ☎ 338 7173577.

**Comun de Mareo:** le Comun á intenziun da scrí fora le desparé les strades al Maschinenring da Bornech. Sce zacai foss enteressés, preitambel contaté i assessurs competonc Patrick Complojer, ☎ 348 0507232 o Florino Ferdigg, ☎ 335 7746679.

|                      |  |              |
|----------------------|--|--------------|
| <b>Döt le bun a:</b> | Paola Maria Palfrader                                  | * 10.04.1933 |
|                      | Angela Olivotto, <i>Ciadura</i>                        | * 11.04.1943 |
|                      | Maria Anna Ellecosta, <i>Trens</i>                     | * 12.04.1936 |
|                      | Giovanni Pedevilla, <i>San lére</i>                    | * 13.04.1938 |
|                      | Tone Feichter  | * 13.04.1938 |
|                      | Elena Maria Daverda ved. Ellecosta                     | * 14.04.1937 |
|                      | y a düc chi co á santennom y compless i agn cöst'edema |              |

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le **dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



**Deache te m'as odü, Tomesc, creieste.  
 Beac é chi co ne veiga nia y crei empó! Alleluia.**

☞ **St.Ap 4, 32–35 | 1 Jan 5, 1–6 | Jan 20, 19–31**


**Dal Vangelo do San Jan:**

[...] <sup>24</sup>Tomesc, nominé Didimus (jomelin), önn dai dodesc, n'ea nia pa d'ei, canche Gejú ea gnü. <sup>25</sup>I atrí discepuí ti á spo dit: I án odü le Signur. Al ti á respognü: Sc'i ne veighi nia les ferides dai agüs te söes mans y sc'i ne pó nia meter mio deit tal büsc dai agüs y mia man te so costá, ne creii nia. <sup>26</sup>Otedé do ea sü discepuí endô abinés adöm, y Tomesc ea lapró. Danló é gnü Gejú – les portes ea slütes pro – é jü amesa ei ete y á dit: Pêsc a os! <sup>27</sup>Spo ti ál dit a Tomesc: Ten ca to deit – atló é mies mans! Ten ca tóa man y metela te mio costá, y no sté a ester descredent, mo credent! <sup>28</sup>Tomesc ti á respognü: Mio Signur y mio Dio! <sup>29</sup>Gejú ti á dit: Deache te m'as odü, creieste. Beac é chi co ne veiga nia y crei empó. <sup>30</sup>Ciamó trec d'atri segns, co n'é nia scric sö te cösc liber, él sté Gejú co á fat dan dai edli de sü discepuí. <sup>31</sup>Mo chisc é gnüs scric sö ch'i cherdeise che Crist é le Messia, le Fi de Dio, y ch'i eise, tres la fede, la vita te so ennom.

**Oraziun dal de**

*Periun! Dio misericordius, con la festa de Pasca renoveieste vign'ann la fede de to popul: láscesse conesce tres plü sot la richeza dal bato, te chel ch'i sun gnüs purifichés, la potenza de to Spirit, te chel ch'i renasciun, le valur dal sanch, tres chel ch'i sun gnüs cumprés ciará. Do cösc te periunse por nosc Signur Gejú Crist, to Fi, co é Dio y vir y regneia con te t'unité dal Spirit Sant por düc i secui dai secui. – Amen.*

(Lezionar B)



Mio Signur y mio Dio!

☞ **Letöres dla Terza domegna de Pasca:**  
**St.Ap 3, 12a.13–15.17–19 | 1 Jan 2, 1–5a | Lc 24, 35–48**

Edema liturgica dai 08.04. ai 15.04.2018

|                    |   |
|--------------------|---|
| <b>DOM 08.</b>     | <b>Secunda domegna de Pasca - Domegna blancia</b> <i>Walter, Beata</i><br><b>Domegna dla misericordia de Chelbeldio</b> |
| <b>08:30</b>       | <b>gran messa</b> por dōta la ploania<br><i>oferta por le fonds de solidarieté por le clerus</i>                        |
| 10:00              | s.m. a Al Plan  |
| <b>Lön 09.</b>     | <b>GRAN FESTA DL'ANUNZIAZIUN DAL SIGNUR,</b> <i>Waltraud, Konrad</i>  |
| → 19:30            | s.m. en onú de Santa Maria dal Bun Consei<br>s.m. en rengraziamont dla vita   |
| <b>Ded 10.</b>     | <i>Engelbert, Hulda, Magdalena G.</i>   |
| <b>07:30</b>       | s.m. por † Angela Erlacher ved. Terrabona, Stofl<br>s.m. por les Püres Armes plü arbandonades                           |
| <b>Dem 11.</b>     | <i>Gemma Galgani, Stanislaus</i>  |
| 18:00              | s.m. a Al Plan  |
| <b>Jöb 12.</b>     | <i>Zeno, Herta</i>  |
| <b>19:30</b>       | s.m. por †† Jep, Mone y Magdalena Palfrader, Eyrs<br>s.m. por † Berto Ellecosta, Longega                                |
| <b>Ven 13.</b>     | <i>Martin I., Ida</i>   |
| 07:10              | s.m. a Al Plan  |
| <b>Sab 14.</b>     | <b>gran festa dai Patronns diozejagn Ciascian y Vigile</b>   <i>Lidwina, Erna</i>                                       |
| <b>07:30</b>       | s.m. por † Jep Rovara, Aroth<br>s.m. por †† dla familia Erlacher, Cargá   |
| 18:00              | s.m. prefestia a Al Plan  |
| <b>DOM 15.</b>     | <b>Terza domegna de Pasca</b> <i>Hunna, Damian</i><br><b>Domegna de San Ciascian y San Vigile</b>                       |
| <b>08:30</b>       | <b>gran messa</b> por dōta la ploania<br><i>oferta por l'Universitè catolica de Milan</i>                               |
| 10:00              | s.m. a Al Plan  |
| <i>ampola:</i>     | por fam. Agreiter, Meghita/Desproch   |
| <i>ministronc:</i> | ▶ da doman y domegna: Nadia Trebo y Manuel Pedevilla<br>▶ da sera y domegna: Alexander Comploi y Daniele Ellemunter     |
| <i>i recordun:</i> | Pire Mutschlechner + 08.04.2010<br>Germana Lanz Pezzei, Schweiz + 10.04.2014  |



Nia da creie, mo vei! (Jan 20, 19–31)

**I ponsi do**

Gejú porta con se i  
segni dla soferenza.  
Al é por nos n invit a  
medité la grandeza de  
so amur y da creie te  
el. La frasa de Tomesc  
é öna dles plü beles  
espresciuns d'amur y  
de fede te Gejú: i orun  
ince nos la dí entres  
endó sinziermonter da  
nō te nosc cör.

**I preii ensciö**

Pói aziché, Signur, tões mans?  
Pói meter mi deic te tões plaies?  
Dessognü nia sc'i ponsi da fá desco Tomesc.  
I pó endere sce i n'á nia pora da ti jí pormez ales  
soferenzes de porsones encer me ia.  
I sun jonn, Signur, i ne pó nia fá trep. Tö endere  
damo en cör y na mont daverc y desponibli.  
Fá ch'i ne mo tiri nia zoruch, por superfialitè y  
egoism, canch'al é atló le momont da daidè.  
Sc'i ti va pormez a chi co á debojügn,  
te vegni pormez a te, y te ei pói encunté  
töa presenza co ô bun.

*Walter Cazzaniga, Parola amica – Il Vangelo della domenica per ragazzi*



„Mein Herr und mein Gott!“

„Mein Herr und mein Gott!“ – auf dieses kürzeste aller Glaubensbekenntnisse kann ich mein Leben bauen. „Mein Herr und mein Gott!“ – darin ist ganz viel Liebe, Vertrauen und Hoffnung enthalten. Diese wenigen Worte können auch in der Krise, im Zweifel und in der Angst, viel Kraft geben. Denn Jesus lässt sich von meinen Zweifeln berühren und spricht in meine inneren Kämpfe, in meine Unruhe und Sorge seinen Frieden hinein. Er sendet die Schwachen, die Zauderer, sein Reich zu verkünden, weil er es gerade ihnen zutraut.

Für mich ist das ein großer Trost. Dafür danke ich dir – mein Herr und mein Gott.

*Michael Tillmann*



Stories de Adam y Eva cuntades ai mituns (5)



**Le comandamont**

Chelbeldio, le Signur, â tut Adamo, la porsona, y l'â porté tal urt  
“demorveia”. Al ti â dit: I te sorandá mio urt, ciara lapró y  
mantegnele; te dess avei ligreza con ci co cresc y garetá,  
con i ciöf y con i lens. Döt é to. De düc i früc co madoresc söi  
lens poste mangé – tanc che t'os. Ma i früc dal len amez l'urt –  
le „len dla conescionza dal Bun y dal Mal“ - ne poste tö nia  
mangé. Deache: Sce tö nen manges, messaraste morí.

*(va ennant)*